



梅溪先生後集卷第四

詩

州宅

鑑水稽山擁卧龍黃堂人似坐仙官風流惟有元才子
終日賦詩屏障中

蓬萊閣

祖龍車轍遍塵寰只道蓬萊在海間空上望泰山三望
不知此處是神山

清白堂

堂與泉皆名
正公名之

錢清地古思劉寵錢清地名泉白堂虛憶范公印綬
紛紛會稽守誰能無愧一賢風

聖人達節猶憎盜志士清心肯飲貪試向卧龍山下酌
世間無似此泉甘

不吟地 觀風堂

簿俗澆風有萬端欲將眼力見應難但令心境無塵垢
端坐斯堂便可觀

望月臺

明珠遙吐卧龍頭漸覺清光萬里浮人望使君如望月
要須如境真如鈎

秦望閣

紙上觀秦尚過秦那堪山作眼中塵為言高閣登臨者

莫作秦人視越人

望海亭

踏雪遙登望海亭扶桑日上卧龍醒微臣望處非滄海
只望堯天萬里青

卧龍山

鑑水連天僅可容稽山照眼五雲濃只憂旱歲無霖雨
誰識東州有卧龍

種山

决策平吳霸業成青山長占大夫名子胥忠義無生死
怒氣隨潮到越城

競秀閣

憲臺高閣偶躋攀萬經千岩指顧間山色元來本無競
人心自是錯看山

戴山

十九年間膽厭嘗盤羞野菜當含香春風又長新茅甲
好頻青青薦越王

八松

瀟洒荀家好弟兄秦封不汚有餘清鍾成一種棟梁氣
散作八方風雨聲

右軍祠堂

欲弔右軍千載魂祠堂荆棘斷碑存老僧相見話
問我蘭亭幾世孫

鵝池

鵝鴨能鳴異衆禽池邊墨客最知音世間多是山陰媪
應恐誤猜君子心

硯池

鳳翥龍蹲字字奇陶泓湯沐向斯池波心雨後一魚躍
猶似青年吞墨時

題扇橋

右軍一畫千金重妙意寧容市姬知明日重來堪一笑
管城那肯更臨池

雷門

吳越興亡事若何譙門遺迹枕山阿大聲曾作雷霆震

應笑人間布鼓多

曲水間 今守 謝靈運

三謝蘭亭久寂寥茂林脩竹自蕭騷
將侯近代風流守曲水流觴意亦高

西園

西園風物冠東州飛蓋紛紛爛熳游
惟有紅蓮幕中客倚欄纔得片時留

望湖亭

秋獲登臨望鑑湖中一半已湮蕪
誰能更繼東郡守長使山陰水旱無

吳先生祠

右軍宅化空王寺秘監家為羽士宮
惟有先生舊池館春風歸在杏壇中

賀知章祠

賀老祠堂枕鑑湖霓裳羽化宅荒蕪
無人更問君王覓轉使高風千載孤

鑑湖

曾中萬頃元才子方外孤標賀季真
鑑水縈回三百里風流何止兩唐人

禹廟

越國遺民念帝功稽山廟貌勝卑宮
少陵莫歎丹青落紙上丹青自不窮

非泉

荒王宮近夏王宮一水清含節儉風越俗不知王好惡
泉名却在酒名中

禹穴

好古貪竒司馬迂曾中史記越山川如今禹穴無尋處
洞鎖陽明石一拳禹穴道家謂

馬太守廟

會稽疏鑿自東都太守功從禹後無能使越人懷舊德
至今廟食賀家湖

吳越王廟

一劔功成三節還吳越王廟將錦秀裹江山斗牛氣滅英靈泯

廟比昭王屋一間

望秦山

洛思昔有人思洛秦望今無客望秦回首長安在何處
誰能念彼下泉人

少微山

出郭舟行十里間少微山近若蒼山山中處士已長往
一點客星雲外閑

梅梁

結實幾調商鼎味成材宜作禹祠梁世間何歲無風雨
鉄鎖無端誤見殃

芝石

越俗流傳素可疑越俗其真禹陵空石果何時只應便是專車骨未可呼為沒字碑

和昌齡弟見寄

經年游官思家鄉枕間魂夢長飛揚
既越相望數百里魚雁來往安能常
水綠蓮紅王儉幕我愧才疎筆常閣
居官不事羨長卿執一無權猶子莫昔年
姜被今獨眠何時更作三珠連左原
風物亦不惡溪尊抽絲蕨吐拳阿連
春艸詩篇好勸我歸來宜及早代笠
亭前烟雨中共把鋤犁寧待老

懷喻叔奇已外

結得賢閔雁塔因東州相遇益相親
凌雲三賦我漸馬清唱百篇君勝秦
冀北郡空殊昔別江東日暮倍傷神
同年四百二十六莫逆論交能幾人

次韻周堯夫贈睡香

長向春前臘後開要將風味闢梅魁
名從麝息直香得根自鄴山嘉慶來
風并錦囊香不斷日烘寶蓋翠成堆
定須移向梅齋去栽伴吾盧桂與槐

送陳元佐游四明

鑑水悠悠接鄞川官情客况兩凄然
扁舟乘興趁花月樽酒送行燈火天
我似鄴處官舍冷君如馮子主人賢
虞庠春榜無多日行看香名動日邊

聞禮生日二月二

挑水仲春月冥階雙英生添丁慰慮老小子慶徐樂
得中和氣看成遠大名青春已如許勉力維家聲

次韵趙觀使鷺鷥梅

奴視紛紛暫與休芳心那肯貯離愁結成水玉岳湛侶
開伴紵羅施鄭流影照婢娟如並卧枝橫清淺似双浮
不知他日調金鼎勝得櫻桃氣味不

亡友孫子尚彙葬會稽山大禹寺之側某至官
八日出郊訪其墓不獲明年春被命祀禹訪而
得之又明年春再往酌酒因植柏十根哭之以

詩

晴音相知似弟兄那知半世死生分無緣更飲盃中物
想見能修地下文有媿乘車葬元伯僅同解劔弔徐君
他年黛色參天處是子會稽山下墳

子尚墓種柏

子尚乃如許壯年墳已荒我来親種柏含淚待蒼蒼

鄭夫人挽詞

好谿太守非常好慈母端如孟母賢熊膽調成真器業
魚軒游徧舊山川頽間日有平反喜方外時修香火緣
身世九嶷家萬石定應含笑向重泉

錢夫人挽詞

忠孝之家女亦良教傳彤管有遺芳藁砧舊擢儒林秀

桂子新飄月窟香
方擬魚軒霽寵溼
遽驚風樹變
寒涼
稽山鑑水
青春暮
遊露
声中恨更長

連月不雨農事失時
府帥決獄廩飢德政動天
需然而雨
某吟成律詩一章以賀

旱魃為灾罕似今
需然一雨慰群心
非關善薩解
嘉澤
自是使君能作霖
躬慮滯囚
究尽釋廣閑
義廩重元深
佇公歸國調元氣
散尽德陽與伏陰

次韻濮十太尉喜雨

去歲秋大水
民食方苦艱
丁壯尚流離
而况白與班
今春又不雨
事與安危關
使符下列郡
呼零舞童鬢
投文責老龍
貪睡何癡頑
我聞救災術
迺在人事間
與師古

有術決獄唐稱類
年因乎伐有雨送
輶車還嗟此旱魃
正和氣知誰干
半歲幸一雨人心
寧不歡
麥秀禾可植
田里庶少安
上躬當守憂
吏責亦稍寬
我家蕭峯下山
長路漫漫東臯有
先業願亦知艱
難歸耕願及早免
起將蕪嘆

叔父寶印師往永嘉妙果院
未青年而退弟子
德純住龍翔一日
歸省其師亦退居
林下緇素
挽留之乃適於異
郡不踰月間師弟
子相繼退
休識者高之目為
僧中二踈某竊祿
將一考矣
有規二高僧因書
一絕庶幾他日或
蹈其高躅
云

掛冠林下近來無誰謂僧中有二疎應笑紅蓮幕中客
故園三經已荒蕪

寄黃簿文昌

六一移書責司諫聲鵠聞命避徂徠茲風不作已久矣
吾子所為何壯哉在列諸公頗有規附矣群小瞻應推
要須終始全名節莫遣心隨利祿回

次韻濮太守題禹穴

寰瀛三十六名郡越在東南雄四鎮宛委周回三百里
中木山川有光潤泰山鑑水蘊秀異人物風流夸漢晉
傳聞禹穴自太史好古無人看為問不識之詩云越俗
真杖屨飄然尋洞天照眼千君若不傳失其憤刃細看盤石心愈

疑遐想丹書氣猶依禹貢無傳豈其闕道甲所書何足
訓異倫叙自九疇錫水土平繇五行順洛書六十有五
字王業魏魏此途進八卷飛沉天與泉茲說荒唐理難
信吾儕去古恨大遠企首難窺禹牆仞穴傍有井清且
甘一酌端能洗驕吝

薛師約撫幹召飯于圓通寺主僧滄茗索詩

綠暗梅欲雨風薰麥初秋官舍厭早濕僧廬訪清幽儒
餐慣蔬飯道話便茶甌鑑湖倘容覓杖屨時來游

潘知縣向弟撫幹時和詩復用前韻

寒雲三笠微公氣節橫清秋風流屬猶子曾整羅奇幽詩
篇繁草草名字宜金甌州縣聊爾耳行矣天池游

酬富陽張叔清縣尉

天香遙傳到越城入懷珠玉照人明登科雅服才名早

憲仕喜聞官業清空把交情對山色蘇詩有吳山空要

今音問讀潮声忽忽作答無他語莫羨人間勢利榮

周德貽得子以錢果為既僕不獲為湯餅客賈

之以詩

雙鯉來從古嶼州喜聞英物誕東州清和時節綠陰滿

秀異谿山佳氣浮分貺金錢意殊厚欲為湯餅客無由

乃翁指日身龍虎况有奇兒氣食牛

喻叔奇迎侍赴桐川榜其堂曰戲綵書來求詩

寄題一絕

桐州綵捧斬宜威首闢萱堂上壽危堂上慈顏笑還語

若菜文采媿吾兒

女子生日 五月十二日

吾女何時兄薰風欲半時年齡今稍長礼法要須知好

讀班姬誠休吟謝文詩萱堂有慈母淑德可為師

范文正公祠堂詩并序

寶元間文正范公自潤徙越治先風化一日獲廢并子

州治之西澄而新之易舊堂築新亭俱名曰清白現官

師也閱歲浸久舊刻弗存紹興戊寅秋吏部尚書三公

來師是邦暇日會僚屬于茲堂酌泉煮茗修筵公故事

慨然歎曰自漢迄今守茲土者亡慮數百人真賢於范

堂與泉盡其甘棠也記其可以不刊又謂公自筮仕擢
桐川與郡帥邊所至立祠獨越無有於典為缺於是求
公遺像得之於其家比它本為真乃命工繪之即其堂
而祠焉明年閏六月庚申躬帥幕僚祀之某作詩以紀
盛事

堂堂范公真天人配我詩仁祖為元臣材兼文武懷經
綸先憂後樂不為身上與夔禹相等倫正色朝端批逆
鱗三黜愈光名愈聞一麾東游禹所巡作詩懷靈祠季
真卧龍山麓井父湮縵而汲之清且新堂于其旁記厥
因名標清白垂不泯規爾官師音諄諄二洗貪濯盜思還
淳人亡迹在嗟已陳斷碑往往埋剝榛後人不識真天

人但能日飲堂中春越以清自使君好事賢且仁治民
律已惟公遵登堂感繫懷斯文刻石繪像揚清芬丹青
炳耀如麒麟凜然如生見如親躬修祀事率幕賓手酌
寒泉羞澗蘋一酌清我僚吏民再酌為國清箴紳要將
清白風無垠庶俾范公遺志伸公乎為仙為明神為澤
為瑞為星辰當宁焦勞思若人九原喚起清邊塵

次韵梁尉秦碑古風

會稽秦頌德碑丞相李斯篆世傳在秦望山莫知所
在教授莫君好奇嗜古搜訪尤力有言碑在何山著
莫以語某何山見於圖經在秦望東南疑其真秦望
也某欣然欲往職有所拘以告會稽尉梁君梁慨然

而行登山果見之碑石僅存字磨滅已尺墨片紙而
還作古風長韵具記始末因次其韵且記吾三人好
事之癖亦以示後人也

姬嬴遺迹存者希世傳石鼓稽山碑石鼓榆枋得藁子

文與二雅爭驅馳秦碑夸大頌功德埋沒草莽無人知

或言出頂石猶在上有虎豹龍蛇螭神藏鬼護荆棘

崖懸磴絕登無收廣文好奇穴探禹梅仙喜事僧尋

岐道昔游越中好山水梁我贊其行要親覩勿受世俗

流傳欺望秦望秦兩斬絕何山壁立東南涯豐碑屹植

最高處不知磨滅後何時剔苔掃墨了無有模糊片紙

亦是奇濃雲霧對巖將雨古木槎牙蟠老枝歸來走筆

出險語訶政叱斯同小兒詩成得得寫寄我詞嚴意偉

法退之我聞秦人滅六國酷若大磔臨江麋先王法為

秦所負負秦况有秦有司五經灰飛儒幾血堯舜周孔

何能為上蔡獵師妙小篆奴視俗体徒肥皮東封太山

南入越大書深刻无陸離沙丘風腥人事變鬼飢族赤

誰嗟咨漢興萬事一掃去惟有篆刻餘刑儀磨崖致作

不朽計其如曆數不及期虫尤五兵紂漆器人物美惡

寧相庇我雖過秦愛遺書南山入望頻支頤不須嶧陽

訪棗刻不用迂史觀雄辭虛堂默坐對此紙閉眼暗想

君勿嗤要知秦碑没字本却類周雅無辭詩

府師王公中秋宴客蓬萊閣分茶賞月于清白

亭其以慕奈與焉坐上成二絕

使君開宴小蓬瀛幕客參陪亦與榮若者寒泉飲清白

酒斟佳月賞分明

白髮青衫老幕官蓬萊秋月兩年看與來端欲乘風去

不怕瓊樓玉宇寒

又和趙仲永撫幹之首

冰輪飛出暮雲端更向蓬萊頂上看端似虹橋翫金餅

絕勝華屋見銀盤光浮酒面杯尤滑清入詩腸句不寒

又與鑑湖添勝事一時賓主各驚驚亦馬

千岩競秀越王州地勝錢塘與虎丘龍卧半天頭吐月

鑑湖千里影涵樓宴開秋色平分際人在蓬壺最上頭

不負良天更輸我此中此夜兩年游

去歲中秋與同僚賞月蓬萊閣今復

與府會同游諸公皆不在焉

再和

崢嶸高閣聳雲端萬壑千岩坐上看八百里湖寒鑑益

二千平回卧龍盤金風吹面掃殘暑明月入懷生嫩寒

見說神山正相偶醉中端欲駕仙鶴

家在東嘉山水州玉簫丹竈古仙丘兩年秋月登蓬閣

千里鄉心繞謝樓作賦端同北窓裏思歸長詠大刀頭

與君何日脫塵鞅杖履逍遙物外游

又用看字韵酬趙仲永

紅蓮分幕忝同官秋月揚揮並席看白好湖山添秀氣

談清齒頰帶微寒

故參政李公挽詩三首 光字太發

一代高明學三朝骨鯁臣淮南悼長孺楚國忘靈均死
尚憂王室生寧問大鈞姜山同塊首千古次行人縣
譚辭天下公在滿新及垂死之際所
方面功尤著朝端氣最剛身能縛元齊城不陷睢陽思
奮少連笏耻同袁盎堂永嘉瞻五馬遺愛可能忘
公在南荒日迹危名愈尊芝蘭坐奇禍取身醜諛言斥
去權臣力生一聖主息衛公精爽在何用此招魂

九日與同官游戒珠寺用去年韵

九月重登古巖山勞生又得片時閑菊花今歲殊不惡

蓬髮去年猶未斑藍水楚山詩興裏鑑湖秦望酒盃間
醉中同訪右軍迹題扇橋邊踏月還

題仁皇右挽詞三首 代安撫王尚書

矯制嬪天子塗山毓聖人聰明配昭猷慈儉維宣仁湯
沐寧私已園陵不病民鴻休擢彤管無復數城嬰
八帙年無憾三仁謚有輝周朝仁宗皇太后宣仁皇后
瑤也燕仙侶寔石墓遺衣忽觀龍輅去猶疑駟馭歸
情哀不尺淚向禹陵揮

代邸迎歸日炎高喜中興解將天下養惟有聖人能方
慶朝長樂俄驚望猷陵寢園祇奉處擁絳袂垂膺

胡氏挽詩 陳氏王尚書

癸女生賢文端宜配德星登堂飲姑乳調膳教兒經子
合春猶盛孫枝葉已青歸碑紀遺懿彤管繼芳馨

次韵喻叔奇追感去冬天衣之游

去年同會類高陽瓊履登臨雅興長可但山光向人好

更欣天氣為吾良路經禹穴深懷白目對秦峯遠憶黃

獸在秦聖山下越人也日線又添人正遠天書千

尉相望

次韵劉判官大辨見贈

篋藏詩墨尚澄鮮長記東嘉共綺筵游宦俱為蓮幕客

異鄉重見菊花天謝池一別真成夢鑑水相逢似有緣

小小園林吾欲老看君功業上凌烟詞集作嘉有

凌烟多少

趙仲永以

御著密雲龍薰衣香見贈仍惠小

詩次韵

天上人回餅賜龍香沾衣袖十分濃明珠照室先生豔

三絕全勝萬石封

仲永再和三絕復和以酬

聞世宗英學海龍交情尤為野人濃天香御著分奇絕

盡是慈慙手自封

手吸寒泉暖小醺天香一炷痛水濃與君懷既論時事

欲吐丹心上寶封

長記中秋踏卧龍尚餘詩興至今濃羨君豪氣遍如龍于

聯句猶容李正封

寄題周克夫碧梧軒

鳳凰梧棲竹實食胡為使之在枳棘開軒種梧高幾尺
鳳鳴鳳鳴神爾息莫羨炎風傲燕雀高一飛定乘沖天翼
覽環瑞世鳴朝陽此梧長向人間碧

留別民事堂

二年宦東州民事了無補俯仰愧斯堂何以報
明主故家蕭蕭冬下歸耕及春雨平生剛直心感緊聊自許

題雙峯資深堂

書生紙上誦精柏釋子舌端談焉蘇道在嶮然方寸地
不知深造有誰能

我到雙峯尋寶月為留一宿話資深但能造得儒宗語
使是能傳佛髓心

雁山門力此中入南北兩峯相對尖我與林泉有盟約
問師覓取一峯潛

千峯已見見雙峯
既越山川在眼中吾祖吹簫定何所
會須乘鶴訪遺風
亦峯之西南
亦有吹簫峯

堂名石刻兩俱存令我深懷舊長官學道資深更深處
居安能使庶民安
周開祖昔令黎清有遺
愛堂名乃開祖所命

宿靈岩贈長老敏行

蓋與謝公嶺杖屨矩羅室淨名訪維摩一菴僅容膝尋
僧畫屏中往往多八十平生看不足靈岩最奇絕老禪

蜀中來心印傳佛日脚力窮天下稱此為第一茲山昔
未開藏閉最深密倘不過熙朝造物肯容出孫公賦
天台勝地尚遺侯我欲續金声願借山中筆

梅溪先生後集卷第四

梅溪先生後集卷第五

詩

已卯臘月七日解官離越十九日至家明年正

月二日被命除秘書省校書郎卜以八日行

書二十字

梅花照歸眼春色戒行裝君命不候駕安敢悞故鄉

次韵馮員仲正字湖上有作

甌蜀異鄉客西湖同日看浪花隨去棹風絮逐歸鞍水
浸吳天潤山涵佛界寬春光無限好共規縛微官

次韵趙仲永悠然閣

越絕山川深更深不須登覽自來臨胸中丘壑忽相遇

眼底塵埃無復侵得趣早同彭澤徑把杯時赴廣文襟
知君指日歸天祿莫負平生閣上心

次韵 皇子建玉題明遠樓

百尺崇珠邸恩隆地更親壯侔巢鳳閣危切飲牛津
眼淨全無礙心明自不塵登高宜暇日為善及良辰炳煥
瞻宸畫沉潜味道真中藏所書中端得趣筆下已如
神語帶江山好名隨棟宇新應憐天下士蝸舍不容身

劉韶美辭試館職

學問稱博洽向後無此劉太一然青藜逢君天祿游給
札試玉堂故事久不修遴選先實才聞之輒掉頭我迺
行祕書肯隨鈔藥流三日掃虛室佇想心悠悠張羅君
不顧竊食吾懷羞西風吹蕙葭倚玉嗟無由

再用前韵贈韶美

平生少相識摸索能記劉東南小蓬萊二年同官游
濯纓鑑湖水佩蘭以繁修自倚駝麟門不減富貴頭西泛
吳江瀾委身謾乘流回首望故鄉天高路遐悠慷慨君
自喜伊優吾亦羞乘桴倘有志願言呼仲由

次韵韶美送刘夷叔二詩時夷叔已死

蜀山高岩岩英物世非少青藜外金子高步絕雲抄忌
苦鳴輒悲詞深誼唯曉知音有古人紙上自傾倒我昔
賢閑游相逢察衣表東歸拜言贈篋笥至今好重來已
鬼錄魄魄蜀天渺蓬山訪高躅空舍不停繞定尋窮蓋

郊相酬類如鳥莫作人間來世路轉難拗

右悼夷叔

西南有佳士岷峨秀胸中標高語更妙寫出岷峨容青
天道路難冥々慕蜚鴻翩然下人間海闊洪濤卷尋幽
入禹穴杖屨誰相從萬卷蟠腹笥一榻眠禪叢時來訪
予語自媿賢非戎世態冷處薄交情淡中濃去歲鑑湖
別分甘老翁松行藏果誰使離合清無窮田園有深約
耘耔當自充異時旣蜀閬林下見兩翁

右贈韶美

皇子建王生日 十月二十二日

黃花過後梅花前雲披愛日烘青天月良陰剝陽欲旋

莫餘八莢時半千鬱葱佳氣燭星躔 帝子來從天日
邊淑質岐嶷貌端然少親師傳學問專六籍與台能心
傳百家諸司咸窮研餘事翰墨工詩篇平居為善心奉
拳君親忠孝尤兩全放遠声色塵管絃明窓自結賢聖
緣吾皇知子能擇賢斷自宸衷愛不牽九重一日丹詔
宣歡聲喜氣溢幅員王自愛思無愆仰佩天眷奉周
旋保持王体如臨淵日親端士遠佞便紙上興衰鑒古
先誕宸朱邸錫玳筵鼎來福祿方綿綿不須丹竈求神
仙不用具葉慕真詮誠存性盡萬善圓身與國壽俱千
年

寄新林日與夢齡昌齡弟

去驚看曆日新
宦情尤憶故園春
吾鄉親旧如相問
為道明年已五旬

送查元章二首

聖主德寬大小臣
言激昂虜情殊未側
淮甸可無防言
氣思開日寒威誤
隕霜芳姿等蘭蕙
摧折更芬香
肝腦不自愛精忠
為上殫危言犯顏
易直道立身難去
國名逾重還家迹
始安相將吾亦去
林下掛衣冠
秘書省後園脩竹
可愛胡正字憲有詩次韵
不俗更嫌俗風枝
時拂墻青々映藜
燭細々雜芸香
勁節老方見清陰
寒欲藏蕭疎似吾
輩味向靜中長

魏邦式通判挽詞

挺挺魏公後重聞
別乘賢有時同正
觀無地上凌烟雨
足嘉禾穗風清
發女蓮吟魂招不
返遺恨越江邊
耆舊嗟零落公年
又不長雙旌空入
夢半刺橫摧殃子
舍三珠秀吾鄉一
鑑亡平生可書字
椽筆有星郎張即猷作行狀

次韵程泰之正字雪中五絕

幻玉蜚花濕帝城
蓬萊燈火冷中清
人間草木舊相識
傾刻還驚面目生
栖烏驚起天無月
化鶴归来頂不朱
錯認湖山作西子
眩人疑是玉飢膚
點綴工夫巧更奇
崑崙玉果半藏蕤
嗅梅咀雪欲腸斷

况讀高生人日詩人日雪

預知禾麥定登場六出挽先瑞衆芳更喜江梅自蕭洒

不緣摧壓減清香

卧聞征雁作回音遙想吾廬玉滿林乘興扁舟定歸去

草堂深處伴猿吟

泰之用歐蘇穎中故事再作五絕勉強繼韵

君詩雅勝五言城白雪篇章分外清不許同僚持寸鉄

筆尖戰退老書生

寒侵睡思那成夢酒著衰顏誤抹朱待詔先生應怯冷

餐氈使者可稱膚

穀精蜚處人為日氷鑑須待律應難照耀元宵更盈尺

不容燈火占新詩

煮海神功不計場逼真吟焰奪春芳東君深恐成堆積

急遣雷公喚阿香

夜靜微聞折竹音驚禽河處更投林寒生習氣無絲掃

遙對湖山忍凍吟

趙仲永和東坡汝陰雪詩并舉趙德麟賑濟故

事見示遂次其韵

不作秦人視越人深憐里舍甑生塵恨無廣厦容寒士

安得洪爐煖曲身中水照人俱有艷珠幾滿地不憂貧

憑誰扶取浮雲破莫待功成始放春

次韵洪景盧編修省中紅梅

不為怕寒貪睡遲東君妙意端可知雪英零落眼界寂
放此孤瘦紅南枝蓬萊更向逸遠地在著中木寧有
天饒姿冰容戲作桃杏色醉臉雅與神仙宜江兄蠟友
已前輩黃生後出非同時丹心獨與勁節侶疎影共浸
清漣漪騷人相顧最不惡何用車馬紛紜與文莫昔
共携酒對華一展思鄉眉

李德遠寺簿敢言勇退今之古人也東嘉三某
賦詩以高其行

吳山蒼蒼烟靄橫皇都日日春風生利塗徑走輪駁
古道荆棘惟君行吳江洪濤拍天洶萬楫千帆日相踵
六鰲入釣猶不歸急流知退惟君勇斜川勝事今臨川

錦抱風月追謫仙芋魁豆飯吾亦有脫屣有媿君翩然
我輩情鍾惜離索為國惜賢情更惡江頭送別春尚寒
回首冥鴻已寥廓

省中黃梅盛開同舍命予賦詩戲成四韵

照眼非梅亦非菊千葉繁英刻琮玉色含天苑鴉兒黃
影蘸瀛波鴨頭綠日烘喜氣光燭鬚雨洗道裝鮮映肉
此梅開後更無梅莫惜攀條飲醺醖

送王嘉叟編修上書薦張和公

上書請劍人未復上書開口薦賢君又行堂
上伊優笑絕倒紛紛去國皆狂生措紳敢言似慶曆風
俗漸美如東京手措老眼看除目一遷一去知誰崇南

昌別駕亦不惡三王高閣尋宗盟吳江漫漫楚天闊
君一葉春舟輕

送陳阜卿出守吳興自蔡院遷郎

臺閣輟名士符竹分帝憂措紳有清議欲為朝端留才
名四十年孰饜成白頭方開公道口遽中謾人鈞觸邪
狹壯志歛惠施一州命義二大戒能言亦能由韓公
天下者至今大成論去矣雲水清孰障天下流願言如季路
乘桴共公浮

次韵程泰之除醮

青春果作堂堂去啼鳥喚春春不住明珠萬顆玉為錢
欲買風光嗟已莫蓬山地冷花木稀祗有寒梅已先雨

誰遣虬枝上高架稍覺雲陰覆行路雨餘景物猶未佳
葉底精神不多露鼻觀疑聞班馬香姿比何郎更風度
平生惜春如惜別老眼待花如待哺幽亭相對止三人
草草杯盤為花具時同恰某在維

送胡正字憲分韵得朱字
明上書言事得何

生早賦

武夷之山高崔嵬武夷先生賢矣執山中高卧似孤竹
顏蒼節勁清無埃吾君養老過西伯不遠千里歸乎來
胸中萬卷可醫國首薦廊廟真人才張上書為人言朝
奏暮必逐天顏獨為忠言開崇文三館不浪闢端為天
下收奇瓌平時論議即涵養富貴豈以三緘媒西京老

儒作符命蒼黃授閣良可哀何如皇朝有甌范開口不
憚千霆雷故忠文正公先生學力到前輩一時盛事
光麟臺宸衷宵旰急忠讜佇觀前席延鄒枚先生掉頭
竟不住扁舟自載高風回道山游後英雋顧我晚進
寧容倍梅花滿枝柳弄色賦詩送別同銜杯吾房三徑
亦荒草松菊恠我何遲迴

四月四日祀赤帝于慈雲嶺淨名寺祀畢游易

安齋至江次送黃子升通判還鄉

祀罷燈花喜山游曉色新江頭送歸客我亦是行人

送太學生徐易歸天台

天台古仙山藥物固非一采之言可延厥品惟參朮茲

誠籠中物不可亡一日良醫苟能用可治天下疾

章季子教授惠顧渚茶報以宣城筆戲成三絕

春回顧渚雪芽生香味尤宜祕水亭搜我枯腸欠書卷

飲君清德賴詩情

白齒新芽不出山青囊誰遣到人間午窓驚覺還鄉夢

紗帽籠頭捧兔班季子以青囊紗盛二兩云乃真

雪水書來寄葉嘉中山人去代瓊華定將絳帳鑄人手

散出毫端千種花

趙仲永和胡正字竹詩見贈用韵以酬

憶昔游蓮幕獲登君子墻蓬萊醉秋月龍鳳啜天香臺
閣子將集山林予欲藏新詩似循竹風味更高長

張閣學挽詞宗元

南渡已三紀衣冠今幾存傷心失遺老回首慨中原去
國摧臣力全軀聖主恩致君堯舜術妙意託空言解公贈
公在南昌日含沙禍竅竒語蜚無限謗獄具不過詩天
道何嘗遠人心自太危蓋棺公論定盛德合豐碑

寶月師刻予舊題以寄因書二絕

資深堂上偶留題多謝高僧不掃泥更與慇懃琢山骨
惡詩傳到浙江西

冊府經年已倦游夢魂隨雁到峯頭山中老宿如相問
為道歸期不待秋

五月十八日去國明日宿富陽山山懷館中同

舍

去國懷明主離群念舊游翻令到家夢終夜繞瀛洲

寄馮員仲

相見惟言去吾今去已成著鞭先幾日不及送君行

對臺

漢高嫚罵四皓隱周武干戈伯夷餓南陽故人幸無失
先生胡為亦高卧清風却在夷皓上千古真能激貪懦
客星夜向釣灘明想像年時臨帝座

嚴州龍門院滿散天申鄭

掉弭龍門下誠馳天闕邊平生剛直意祝聖更倦倦

宿永康縣黃塘店觀稼有感

路入黃塘喜更疑地名雖是里間非野家之東十里眼
中未稼已如許薄有田園宜早歸

永康有嶺名花錦被

要將山水替埃塵六月還家不憚辛炎暑厭聞花錦被
清涼宜近竹夫人

舟中偶題

綠水客星灑薰風發女谿來尋處士隱扁向斗中棲

游石門洞

雁山飽見兩龍湫洗眼新觀石洞流欲向故鄉尋白鹿
先來仙隱訪青牛請種道門破荒喜請劉郎句嶠險思
後謝容游天下林泉看未足分將身世早休休

林明仲自梅嶼擊舟招丁道濟道揆張思豫及

予同飲索詩坐間成六絕七月朔日

君家梅嶼我梅溪一笑相逢郡治西明仲別館在城要
使衆山同對酒芟荷香裏真親携

右贈明仲

塘餘春草遙思謝樓面蒼陂重憶劉時泊詩思遠樓下

昔共游今孰在蘆花飛雪上吾頭予昔游

同舍泛舟有共乘小艇穿芦花向今二記
矣訪舊多在鬼錄而予已老慨然傷懷

右懷舊游

五人二百六十五尊酒相逢非偶然把手共為他日約
莫緣富貴負林泉

時仲明五十六道濟五十四道
揆五十三思豫五十二予五十

右贈諸公

選岑出碧明雙目境入韓詩已飽參湖上軒窓對遙碧
新詩寫出舊城南

地環碧玉軒窓瑩舟入紅雲笑語香下筆慚無少陵句

老懷徒愛宋公莊

宋待即別業行思遠樓之南有新名選碧

右題宋莊

西岑風物冠吾鄉十里烟波興味長不用扁舟鑑湖去
餘生甘向此徜徉

右題西岑

梅溪先生後集卷第五

梅溪先生後集卷第六

青同詩

次韵昌齡至樂齋讀書

端慕顏回樂真同陋巷居息心容膝地得趣滿牀書
短燈宵永窓明日晷舒相看有脩竹心為主人虛

寶印叔示詩且索碑刻以南明山六大字為獻

隱鉢器仍次韵

不才詎可登臺省早問君王覓閑冷聊尋商嶺綺与園

未羨雲臺寇并耿掛碑滿屋寧療飢來詩云滿屋嗜好

與叔真相宜試寄南明六大字想像年少西游時

寶印叔辭上人各贈瑞香花

小小園林意自憐全用別詩一句名花十八擬唐賢瑞
香一棹來潛澗學士新添兩少年

曾夢良自許峯來訪留山間數日賦詩十章
復出四絕見贈次韵

徑荒猶有淵明菊囊澁寧求季子金老矣此身何處著
入山惟恐未能深

設有忠懷徒耿耿恨無長策拔元元張儀舌在知何用
莫莫休休且勿言

平生風義慕相如筆硯從游二絕餘直許交情定金石
肯同餘耳但光初

與君連夕燈前語勝讀千年窓下書八斗文章千里足

未應低首採桐廬

先人舊題東山墓亭三絕

入堂無復見雙親此詩元紀卿此來寧似在神天地

深恩難以報含悲唯有淚霑巾
門枕青山力傍谿青山流水助悽悽雙親既遠神何在
對此追思獨怨啼

新築茅廬澗壑園山光水色共依依野人不為閭中趣
誰會朝來與暮歸

某辛巳妹婦自武林省先隴遂修亭宇澹溪流
因思先人舊詩已隨屋壁壞矣尚能記憶遂追

和

殘生無計可榮親一見松楸一損神惟有青山知此意

晨昏長戴白雲巾

先嚴在蒙教練山

重葺山亭濬舊渠我蒙榮桂獨悲懷追思四十年間事

風為哀號鳥為啼

丘木森森已十圍滿林清蔭可棲依每憂寒暑傷松柏

游宦三年兩度歸

送萬先之赴清湘教官

早歲声名滿上庠青衫今始赴清湘得官已晚豈宜冷
行路正難那更長平昔心期喪不淺異時官業可能量
鵬程九萬從今日行見飛飛到帝旁

送曹夢良赴桐廬江掾

年少論交老愈堅交情盡在和韓篇短檠業共賢閨舍

淡墨名同桂籍年筮仕暫為三語掾搦詞行踐入花磚

許峯佳識亦聊耳何止蓬萊山上仙

瑞安有許峯

鷄黍相尋豈偶然論文尊酒荷留連秋風初送雁群至

喬木喜聞鶯友迂勸我鑑湖行甚力送君釣瀨去無緣

願將清白師韓范從此高堂有四賢

需次家鄉五載還便便腹笥愈添圓才如子建豈論斗

性類而門能佩常車馬戒塗君欲去田園迷徑我亦歸

男兒所尚惟名節莫墮人間富貴機

十月朔日偶書

去年此日對清光聖德能容一介狂言畧施行亦不遺

身雖疎外亦何妨

剪拂花木戲成二絕

洒掃衡茅端欲老
剪裁花木自為春
推門炙手非吾事
祇合丘園作散人

夢中莫夷莫許侵
好花封植待成陰
每於小小園林裏
長抱倦倦酬畝心

小小園十月杜鵑花盛開有共帶雙頭之異因

以數語記之

一
声杜宇啼春風
明朝緙掛千山叢
歲寒此色豈易得
那更朶朶雙頭紅
共帶聯芳友于愛
一吐一含分次第

造物私我小園林
此花大勝金腰帶
杜鵑中有名

題月師桂堂

道人以月名身以桂名堂
胸中負所有志在丹霄旁
冠巾倘可加唾手
得天香備執已世外
此志終莫償
山中作堂俸月窟
禪定吟餘思清越
要令坐上生清風
須使心中似明月

十一月二日自金谿訪錢用章于白石覽山川

景物之奇以東道之姓為韻

朝離文君故宅邊
莫尋謝守舊行田
黃羊黃羊嶺有先示神仙迹
白石俄開洞府天
兩派崢嶸鳴玉澗
一聲款

乃釣魚舡王孫占得湖山勝
明月清風不計錢

同錢用明用章游白石岩

謝公好山水得郡古東甌造物惜佳境雅志多不酬
松蘿蔽雁蕩烟靄埋龍湫行田徑白石不到仙山頭
寥寥數百年天付黃冠流巍然萬仞崖壁立東南州
誰將補天手化出白玉樓兩龕藏洞府中有群仙游
上通赤五天下接三神州飛泉落岩腰碧澗鳴山陬
群峯真培塿滄海為溟濤隘視人間世萬象同蟬游
我家雁山陽崎嶇厭經丘翩翩錢公子呼我尋岩幽
初驚小雨密忽掃群陰浮杖履窮巔岼一洗塵埃眸
山林有真樂富貴何足求但願乞二山不願萬戶侯

二山雁蕩

又書岩上

十里湖山翠黛橫兩溪寒玉闌琮瑋路從飛鳥上頭過

人在白雲高處行岩下行田謝康樂洞中辟穀李先生
凭欄不瞰人間世轉覺此心名利輕

胥玉泉

白石岩胥胥玉泉佳名初自長官傳渾疑齒頰冰霜論
終日霏霏落半天調開祖名銀綉泉曰胥玉東坡有齒牙開賜胃論極水霜

李少和像

少和辛苦學飛仙遺像今猶在洞天都似先生能辟穀
何須太守為行田

游東際

白石三峯下懸崖七際流穿雲谷汨汨朝海去悠悠心石

是誰家婦

俗有兩石峭立

龍居第幾

能

平生不行

險到此即回頭

上險有六際

次韵寶印叔觀海三絕

載地浮天浩莫窮氣管樓閣登虛空道人妙得觀瀾術

萬里滄溟碧眼中

榴屿何年改玉環

木榴屿一名木播屿俗傳

望中猶是

舊青山遺民不記當時事惟有湖声日往還

誤入蓬萊朝未央至今魂夢記微茫扁舟欲効鷓鴣子

遙望滄波興已狂

李鎮夫闢圃築堂効孟氏之養吾表兄杖屨其

間得日涉之趣其來游名堂曰雙植因書三絕

不到君家幾換春眼中風物一番新吾園小小知何用

不似茲園可養親

琴書得趣有真樂軒冕倘來何足干種德種花兼着力

要須留與子孫看

繞堂花木隨宜種堆案文書取次翻我待衣冠掛林下

杖藜時復到君園

劉長方自豫章寄書稱碧焦孺房之美恨未知

味書一絕以寄之

碧焦孺圓帶石碧焦巨房深若盃吾鄉此味亦不惡

故人游宦盍歸來

碧焦在沙角海中本日如孺子易

寶印叔得小假山以長篇模寫進士欽逢辰和

之其次韵并簡欽

越絕天台温雁蕩萬壑千岩各形狀錢塘風物更奇絕
杖履年時記曾訪歸來戲闢小園林十里西湖藏甕盎
一子鱗也鱗推蓮有鱗是悠然入眼皆吾山羅列軒窓一
何壯止菴道人真有道種竹蒔花近丘壑何人好事贈
假山渚澗新添小屏嶺却疑遷徙從平泉更恐飛來自
秦望嶽飛來石世間賈物何止此沙佛儒衣龍亦象
道人於物意豈留異日後教散天壤花木篇童兩游戲
林下高風真可尚來游蓮社有詩人句比昌黎更豪放
我休說假復論真真假假通同歸一相
次韵昌齡西園十詠

黃楊

子婦自武竹黃楊樹枯命
去蘇蔓台蘇復有生應

黃楊庚甲與吾同樹已蕭疎我亦翁藤蔓摘除苔蘚去
歲寒猶解傲霜風

蒲萄

滿架龍鬚卷復伸堆盤馬乳釀青春
噉一斗宜延客莫憚涼州學漢人

脩竹

至樂齋西碧玉竿清陰時過酒杯寒
明年看長纖纖菊解籜當為漢帝冠

梅

拂雲脩竹遶吾家竹裏仍栽第一花
好句更同林處士

月黃昏後影橫斜

桃

欲留王母盤中核
兼採秦人洞裏薪
此事渺茫花笑我
不如聊賞故園春

李

長念詩人詠子嗟
團樂繞樹日欹斜
水盤行薦炎天
不用東門學種瓜

杉

記得先人手自栽
森然千尺盡成材
翠絲結作思人樹
它日兒孫豈忍摧

桂

丹霄休歎路難通
學取燕山種桂叢
異日天香滿亭院
吾廬當似廣寒宮

柳

何幸先人有弊廬
不妨同種柳千株
垂陰覆地寧無日
作雪漫天肯似榆

菊

百花春放菊秋榮
霜裏鮮鮮照眼明
歲晚不妨開自好
何須三嗅泣繁英

題如存亭壁
十一
朔五
朔

不見慈親已一星
佳城松柏慘然青
此生難報劬勞德
空對銘碑涕泗零

年來游宦遠松楸越雪吳霜帶滿頭乞得祠宮養衰病
白岩香火共僧修

劉義夫欲與先隴植蘭寄數根

思親何忍陟南陔采得幽蘭紙自哀寄與東山劉孝子
佳城側畔好親栽

義夫許贈丁香蠟梅

劉郎不獨種桃花蠟藥柔香更可嘉臭味相同林下友

後今花木亦通家

子植詩丁香曰柔香取世詩丁香體柔弱

義夫以趙清獻諫垣集易柳文次其韵

文集何須較少多有無相易共漸磨憲甚清獻柳州柳
唐宋人才未易過

雁山僧景暹求文記本覺殿

歸來欲効老夫潛喜見游方舊杜暹本覺殿成功德滿
媿無筆力助莊嚴

又六言

筆下何曾有口囊中更媿無錢聊把一言讚嘆助成此
段因緣

書不欺室

室明室暗兩何疑方寸長存不可欺勿謂天高鬼神遠
要須先畏自家知

人日有雪竹間種蘭

人日又飛雪去年大雪竹林仍種蘭舊嘗於竹間種蘭陽浮層

瓊父風泛馥檀栾花點黃金勝叢依碧玉竿世間桃李
眼肯向此中看

張思豫主簿送丹桂蠟梅

通家天上張公子桂種遙分月窟香三徑慇懃自栽植
異時會見五枝芳

蓮幕何人送此花不容一葉污貧家歸來自覓清河種
馨香德如人最可嘉予在越幕有送蠟梅者即之
有蓮幕風清不受梅句

余全之贈菊裁十二品并示三十絕走筆二絕

耐之

老覺山林興味長歸來三徑嘆荒涼分君嘉菊二十品
增我東園十八香

余即蕭洒似何郎事業它年未易量寄我新詩三十絕
筆頭直與菊爭芳

二月二日焚黃天色開霽賓游並集存沒有光
悲痛之餘因成鄙語

三金深悲不逮親九天命下賁雙墳痛將淚雜香醪奠
忍見衣隨告墨焚漠漠濃陰初閣雨暉暉煖日旋披雲
餘生難報劬勞德猶有孤忠可報君

送陳元佐游剡

杖履昔游剡夢魂猶至今欣聞戒行李遙訪舊同襟數
學功相半淵源力可尋池中神鯉足時為寄鄉音

雙桂

先人於井之兩旁植雙桂不知其幾年矣木陰茂盛香聞遠近某偶得一石立為墻角書雙桂二字以識之因成小詩以懷遺德并示子弟壬午閏月十六日先人植雙桂馨德滿吾廬不老兒孫長聯芳合似渠

東籬

我豈規彭澤茲籬偶在東悠然見山處仍向菊花叢

左原詩三十二首并序

樂清之東三十有五里群山環繞地名左原以其居邑之左也中有左嶺左湖左口皆以左名之予七世祖自抗徙温家于是原地雖荒僻有山水足以自娛予丐祠得請日與兄弟隣里有杖屨登臨之適原中景物可資

賦詠者各識以詩凡三十二首壬午三月

東高山左原有四高山在乙辛丁癸之位術者目宋家尖也

峯頭日出已停午山半雲橫疑在天要使名如越山重

直須人似謝公賢越之上虞有東山乃謝安石高州也

西高山西高山者數峯稠疊前山如几俗謂西

壓頂花枝紅欲燎道前旌郎開如訶倚窓挂頰時時好何止朝來爽氣多

南高山山在縣治東北俗呼縣後山夜

山後風來聞縣鼓蕩中秋至集賓鴻我歸種菊東籬下

長在悠然眼界中

北高山最奇秀翼然如翔舞狀上有尖峯

群山如圍秀回環秀拔群山是北山我恐山中猿鶴怨
移文未至已先還

龜山謂真得龜形者

眾山環遶一山橫形似真龜勢欲行不向九江資納錫
臨溪曳尾自全生

卧虎山舊有洪河俗呼卧虎

昂然虎踞一原東回首眈眈氣象雄不放眾山隨逝水
溪頭高卧自威風

梅溪在北高山之陽去孝感井二十步溪至

謂之梅溪溪名舊矣莫知所自予植梅以實之

我向梅花溪上家幾看清淺浸橫斜手栽木已如人老
雪鬢蕭疎對雪花

楊谿梅溪東流四十五步合原中數水而為

一澗泓澄會眾流眩分俄類發溪頭分已秋水臨溪更
種青青木故事端同柳柳州

戲綵岩原之西山有岩如屏上有尖峯俗曰白

烟霞屏障列西岑戲綵標名自始今我過岩前每流涕

班衣空有老萊心

杜鵑岩有戲象岩之東岩頂稍平上多杜鵑花

游宦三年樂事遙
岩花笑我鳥催歸
歸來又被岩花笑
笑我登岩何太稀

杜鵑花一名岩笑于還
家將一載竟未登岩

羣鷓岩北一拳石
石面平平堪弈碁
路僻山深罕人到

爛柯仙客未應知

在盛采

龍卧靈湫志未伸
時時噴水撒行人
雖然未採蒼生早

聊欲澄清世上塵

松羅岩在太原之西北有山隔之四面壁立可梯
而登上平北有水可汲能容數百人產

松羅木因以得名建炎間有謀避難是岩者予
嘗往觀之非石路也

挿天萬仞絕攀躋
岩頂松羅不是栽
廊庑源材作梁棟

人間斤斧可能來

墮岩在城東岩之北壁立如障其色青黑有石
而直聳而有稜長者數尺可植庭宇間

岩如法吏面清冷
石似端人真直方
誰解移茲障邊境

大羊安敢肆猖狂

人面岩在太原之西

看盡人間古與今
蒼顏一任鮮苔侵
豈惟有面如人面

更喜無心似獸心

天柱岩有二一在三井之北
一在松羅岩之北

雁山一柱挿雲霄
三井松羅柱亦高
蓬萊深懷杞人念

擎天端賴柱堅牢

撲頭岩在太原之西北地

開處身宜及早抽
山林遲我掛冠游
不須花裏尋腰帶
且向田間置僕頭

宋家尖 在東高山

皇恩西被復東漸
四海蒼生尺仰瞻
畎微臣尤戴宋
結廬長向北峯尖

小雁蕩 在原之南山以雁得名

歸雁行飛集澗阿
不貪江海縞梁多
峯頭一蕩雖然小
欲啄猶堪避網羅

左嶺 在原之南山

北望吾廬山最好
南通蕭寺境逾幽
嶺之東南白雲夜
向原中宿幾度
隨人過嶺頭

左湖 在原之東又東日湖

漁樵歎乃日相呼
舟楫生涯在畫圖
我與漁樵同隱逸
不須乞作自家湖

尊湖 在楊溪之南吾鄉無尊湖此有之此詩乃舊日作

水晶銀線滿湖中
線細根結水晶寒
遙與吳江氣象同
我輩他年厭游宦
思歸應不待秋風

南瀑布 在南山之下上接小雁蕩

飛瀑來從小雁蕩
靈源頗類大龍湫
矩羅尊者不須占
乞與山翁取次游

北瀑布 在原之西北山腰間俗名主潭

茲潭誰主復誰賓
清世寧容有隱淪
獨我山林養衰病

不妨來作主潭人

斯水澗原之南有左嶺水北流入于原中水善

曰斯

嶺頭寒澗遠無聲夜靜風恬忽自鳴山水有靈人不識

老農常用卜陰晴

雁潭原之西南三井山之下吾先人九日嘗集

九日登臨澗水濱蕩中征雁亦來賓如今雁至應相感

不見名潭舊主人

三井原之西南山路崖險人迹罕到予宣和辛

潭多游魚俗傳井舊有龍

源泉高似銀河落石井泓然鼎足分閭說井中魚已化

定從三級上青雲

孝感井子家有井稍大俗稱大井王家宣和壬

人釣于井而得之非素無魚蓋孝感也張大

部尚書

綸竿臨井重欵歎誠感幽潛遂獲魚鮮道隨釣得玄鯽

秘書好句實堪書

白岩窟在白岩之東吾祖捨山歸明慶院而立

形如舞鳳

飛鳳吹埽思竹實多山蟠龍高卧恋山泉吾家松檟今

三世僧舍鍾魚已百年吾高祖母葬庵之虎山晉曾祖

平地先此葬于菴後山

賈公庵在南高山之下司理賈公墓其母元嫂

賈公名德重吾鄉慈母難况寔此崗手種松楸及因果
青山流水共高長

如在亭詩云人墓大父母于東山左亭以亭之有
神先人附墓其側其名
其亭曰在來詩中語也

東山一到一霑巾記得先人昔念親強把茲亭號如在
松悲柏慘見無因

如在亭先妣墳亭在白
岩菴

北堂猶綠舊時萱寒暑無絲復清温戲綵岩邊白雲下
慈顏彷彿尚如存

小小園納涼

屏迹立園世事輕澹然滋味似孤僧平生願學昌黎伯
宰相三書獨不能

贈甥萬膺

詩書為田筆硯耕着意治此清白生它年門戶大可必
東平有孫吾有甥

萬孝傑用韵見寄酬之

堂有慈親養且耕游從毛穎楮先生新詩寄我尤清絕
深喜牢之有外甥孝傑刘氏甥也

題從姪御莊

風雨漂我廬無地寄食宿小阮知所敦舍我道旁屋震

凌得嶢幃幸免涇塗辱明白歸舊巢鷦鷯一枝足壬午秋七月

戊申大風飛屋椽木予先人葵序兩無摧壓

來寫是在九月旬以八月己巳至舍書于莊壁
萬孝全惠小龍團
貢餘龍餅非常品絕勝盧仝得月團豈有詩情可嘗此
荷君分貺及登鹿官

梅溪先生後集卷第六

梅溪先生後集卷第七

詩

赴召壬午六月十一日上受禪二十一日有
行在肯除臣某知嚴州九月二十一日召赴

聖主龍飛絕十日微臣得郡古嚴陵詔書又趣歸天闕
頭竭孤忠贊中興

曹夢良贈炭戲成一絕予特為鄂夢良

烏龍書至送烏新郎舍嚴冬覺有春未暇吞為啞口漢
且須煖作直身人

宿學呈同官時為司業

不聽梧桐兩回頭已六年齏鹽諳舊味燈火結前緣進

學思歸愈同襟有鄭虔諸生不待勸忠孝素慳慳

某去五月罷館職還鄉塗中以詩寄同舍云去

國懷明主離群念舊游翻令到家夢中夜繞瀛

洲今以史職復至道山訪舊或遷或去惟後園

脩竹乃故人也感嘆良久因成短篇

蓬萊隔弱水三年兩來游群仙各何之翩然蛻神洲

中舊籀龍勁節含清幽手摘歲寒葉恍惚乘扁舟

馮員仲赴闕奏事士君子咸歎其畱聞為魏公

所辟勢不可奪遂成鄙語燕簡查元章

名德重夷夏皇朝兩魏公平准已得愈論將更資馮報

主男兒志知恩國志風書收良馬去異比遂群空好

寄馮云問元章為魏公所知度幕中得歸退之賦不足乎矣元章時為機宜員中為江西運判召來奏事

程泰之郎中以詩三絕覓省中梅花因次其韻

長記蓬山舊賞梅芳樽一笑共君開重游未見梅花面

應誤君詩得得來

詩似西湖處士詩十篇三絕闖清奇更將正味森嚴句

壓倒屋簷斜八枝程未篇云花中結子酸連骨正味森嚴

管八眉

竹亭不到幾經時來往逢梅似退之遙想吾廬溪上好

十分鄉思又闌眉

胡秘監贈詩一絕

司業口占絕句奇甚銓輒用韻和呈効吳軀

南山舊說王隱者北斗今看韓退之不須覓句花照眼
行見調羹酸着枝

某依韻奉酬

平生恨未識剛者今日豈期親見之欲把江梅比旅
江梅無此歲寒枝時胡文同館中諸公見訪因留小酌
予舉和程泰之梅詩聖到屋簷斜入
枝韻胡頗稱賞和枝字韻

胡秘監醪醑詩

銓擇方具賞石渠醪醑用坡韻呈同舍

醪醑獨殿春得路未為晚露葉張翠繳月葉明玉懔沈
粧雨亦妍暗麝風更遠唐時真宰相勁氣凌諫苑危言
工切剗壁立萬仞巖帝為釀此花以賞頌盡婉清芬濯

千古天河豈須晚不妨便醉死聞香定視返唐憲宗以
賜醪醑酒未若此集真

某次韻

秘監携真道山集群仙賞醪醑和東坡詩真雅會也
某偶以私試鎖宿不與遂次其韻

紅紫紛爭先醪醑分甘晚誰裁群玉府童童翠平張幘華
共芬芸香韻隨官逸遠館中醪醑在著廷之
後著作即号逸遠官奚用燃青
藜端能照書苑先生海上帰平步到蓬嶽招邀飲醇酎
副腸出清婉遙思吳宮魂故作楚辭挽勿為花所留興
盡要知返

館中三月晦日聞鶯為胡邦衡有詩用東坡醪醑

韻有居側無詭人發口不須婉句某次韻

久傷伐木廢每嘆吾生晚黃鳥從何來喬林綠垂幃忽
作相呼聲朋來無近遠高翥凌雲烟斜飛集池苑中有
幽谷次遲遲下遙巘群音巧相和出語獨不婉啞啞如
老烏聞者弓欲挽知心有杜鵑勸爾故園返

上賜講讀官建茶其以說書與馬以十餅分贈
太學同舍芮太博輝有詩次韻

天表初容咫尺親雲龍重拜太官珍賜後
溼分及清流事更新搜卷要須嘗七椀乘風便合到三
神諸公異日沾君貺願寄江湖老散人

四月後駕詣德壽宮與諸公會食于和樂樓

是日借洪景嚴承旨馬戲云後駕濫騎承旨馬

朝天叨綴舍人班時為起舍人異日再集胡舍人班

衡云不可不成篇也遂於樓中足之

殿切經惺侍清閒學術空踈規在顏後駕濫騎承旨馬

朝天叨綴舍人班登樓雖喜民和樂論事還驚世險艰

聖主英姿同藝祖諸君何苦恋湖山時議欲乞謫

有異論者故云

周登和樂樓韻酬胡邦衡送別兼簡劉韶美秘

監

未訪鄱陽范與顏魯公范文正雁山深處且投閒紫

泥長記曾同召丹陛何繇更對班我媿未行平日忘公

應不創昔時琅筆端能制入生死兼有劉郎在道山野
邦所 認美嘗同為編修官子既入臺即罷吏

去國大明十

去國常憂國還家未有家先人 樊唐為君恩報無所舍
媿出京華

重游釣臺

三年兩泝釣灘濤來往何曾補一毫聖主雅恢光武量
微臣當遂子陵高

拜棹祠堂下一天星斗明客星尋不見影浸釣灘清

過婺女同年王節推夷仲黃教授方頃 鄉人華
主簿子周會飲双溪樓

年時嘗泛婺溪舟未上清風八詠樓天為故人償風願

辛巳五月至婺溪夷仲諸同年有水知吾輩喜清流沈

郎不為吟詩瘦王繁長懷去國憂明日山川共入遠鄉
情年契兩悠悠

游仙都

皇都歸客過仙都厭看西湖看鼎湖洞接龍泓片雲近

有龍 山分雁蕩一峯孤雁有石柱壁立如香清天上碧華

落音好林間青鳥呼天遣林泉尉吾輩不容身世老迷
塗

游洞谿舊名惡溪因段成式改名好溪有

段公不到溪豈好李守已亡詩更奇偶向思賢亭上坐

愛溪漁愛昔人詩

重游石門洞

石洞幾時闢石門長不高會看一冰水三載兩回經
誰把銀河水直從天半傾好流人世去一洗四維清

寄題喻叔奇亦好園

喻子有園堪養親栽花種竹清且新堂中戲罷即策杖
御詩新堂在家有此何憂貧弟兄既好園亦好
御詩同大勝吾家園小小兩園松竹懷主人他日歸來
各須早

種蔬

癸未孟秋婦自武林小小園荒蕪之甚遂課僮僕畦

以植蔬近得微雨頗有生意潛澗老叔分葱菘數十
本及菜子一二種今冬百指可以無饑矣書十五韻

歸來日彈缺食無肉與魚却將種花地叮咛毓嘉蔬驕

陽每抱甕時雨親荷鋤青青有生意令我顏色舒寧憂

饑與知亦有瓶中儲前身老閹梨或云子前身閹梨蔬

氣端未除文字亦宿業復生魚蠹書蠹書仍食蔬苦淡

味有餘况茲清淨根分來自僧居端能納須弥聊爾秀

郊墟洗我腥膻腸非之詩云聲名暫羶襟宇生清虛豈

惟陶淵明吾亦愛吾廬荒園涉成趣枯藤當安輿困執

案頭卷飢著盤中漚孔門陳蔡色借問何如予

予素不善茶孫先覺萬大年林大和見訪戲與

對壘偶皆勝之因作教語

予手不善談臨局氣先怯偶逢孫萬林三戰輒三捷都
緣敵不勅非以臺威脅孺子濫成名凱奏意殊愜三君
皆壯士小挫未肯厭予今務持勝堅壁不容劫野中書
與同舍郎陳阜卿手談既而陳迂臺察一日相于基不
公賦云陳阜卿手談既而陳迂臺察一日相于基不
畏臺威那

大年和基詩復次前韻

君基如龍且初笑韓信快我基似公瑾赤壁真橫捷但
知貪旁角不覺攻背脇主人本無競勝負兩俱愜嘉賓
儻再集塵戰定誰厭新篇尤逼人我輩徒劫劫

太白且見太白且見

煌煌太白生東方追逐殘月生光芒太陽中天不肯藏

過午一點猶微茫太史占之此何祥咸憂兵起人流亡

金行用事多災傷六月二十五日大風水七月朔日又作

蝗浙西飛天大風地震水旱蝗有一于此宜預防雜然並見

何以當臣言天意未可量滔天赤地興堯湯偃禾拔木

悟成王宋景一言國乃昌災異不作憂楚莊吾皇修德

應彼蒼去讒遠佞任忠良推誠納諫正紀綱內修政事

仍外攘誓雪國耻還封疆強虜當弱吾當強與日誌本

明強國弱天戒為福非為殃願勿徒以虛文禳

荆婦夜績

涼颯墮黃葉促織催女工鬢絲不堪織細君哀我窮言

燈績深夜績成寒素風願為隱者衣德耀隨梁鴻

術者謂子命犯元辰故每仕輒已予笑曰有是

哉戲作問答語

問君胡為八臺省問君胡為官輒冷宣尼猶且畏元辰
羊鼠龍猪作君梗退之宿直斗牛箕声名誇毀常相道
死生窮達端有命予知之矣當安之

再至雙植堂呈表兄李克明

此日一樽酒再游雙植堂湖山浮野色草木帶秋光
道德已孰西風花更香相看俱老矣會合意尤長

九日寄表兄賈司理

某昔從潘先生學九日登鹿迹岩嘗賦詩呈諸長者特

年十七今閱三紀矣當時和者賈太孺潘先生劉謙仲
覺闌梨皆一時詩人也某猶能記其畧數老人化去久
矣思之慨然司理丈鹿岩賢主人也佳節必盛集某恨
不獲奉樽俎輒成古詩十韻以記舊事并以蒙泉酒鳳
團茶為壽

憶昔從師學絃誦年與賈生相伯仲某詩與諸賈品九

日登高鹿岩脊感物題詩筆初美舊游回首半零落三

十六年真一夢當時唱和三四老尚有殘篇可吟諷今

年節物身在家行樂山間謾隨眾弟兄勸我登高山身

似駑駘不容輕兄弟里談同登高某以時多河東先
生今靖節有酒寧須白衣送朋尊聊獻菲蒙泉近日蒙

佳趣有菲泉最下品酒賜茗仍分小團鳳願公一飲壽

千齡三物年年敢馳貢

九日不登高與兄弟鄰里就斝舍飲菊

中秋對明月中秋亦就家賞月九日逢黃花節物豈不好而况

身在家樽酒醖鄰里盤飧魚蝦何必登高山清歡日

無涯

仙居陳少曾寄錦石杯書至乃九日也方與坐

客把菊遂用以勸酒

九日登臨有雁來書傳坐上手親開呼兒滿酌黃花酒

為子深傾錦石杯

僕夫浚井得雙鯽一鯽未及烹也藏之泥水間

予見而放之因作數語

三秋不雨泉脉枯僕夫浚井欣得魚刀砧已具未及殺

我偶見之魚再活親投不敢使校人圍圍洋洋生意新

莫嫌井小思滄海尺水相忘聊自在

得張大猷尚書書云比每進對屢以待御為

言而邦衡舍人言尤數切云云某為郡邪所疾

獨見知二公因讀邦衡和和樂樓詩復用前韻

一月霜臺屢犯顏未回天聽已身間愛君憂國寸心赤

感物傷時双鬢班文舉才疎意徒庸子雲思苦語尤艰

尚書左史雖知我超海應難挾太山

次韻題寶印林蘭若堂

何處名蘭若依山結草堂花枝法雨潤心地佛燈光浮
世置塵隔空門歲月長林間有啼鳥聽法亦來翔

藤杖

頭角槎牙萬歲藤徧身節目更稜稜山僧贈我非無意
要我清閑亦似僧

予還自武林葺先人齋廬淨掃一室晨起焚香
讀書於其間興至賦詩客來飲酒啜茶或奕碁
為戲藏書數百卷手自暴之有小園時策杖以
游時遇秋早驅家僮浚井汲水澆花良天佳月
與兄弟鄰里把酒盃同賞過重九方見菊以泛
觴有足樂者每覽鏡見蒼顏白髮亦聊自歎也

作小詩十五首

掃室

洒掃學者事陳蕃胡不然要令天下淨端自室中先

焚香

掃地眼塵淨焚香心境清案頭時一炷邪慮不應生

讀書

八政慚無學還家更讀書翻同小兒輩相共惜居諸

賦詩

秋興最難遣詩懷如亂雲雖無小陵筆一飯不忘君

飲酒

我意豈在酒銜盃聊樂天客來同一醉客去獨高眠

啜茶

濫與金華講賜沾龍鳳園却歸林下飲更媿是龕官

奕碁

光景老尤惜忍銷枰奕間娛賓欠絲竹一局戰清閑

暴書

秋日更可畏所宜惟暴書反身還自笑均是蠹書魚

策杖

園小日思涉山高時欲登老來疲脚力興至策枯藤

汲水

山中久不雨汲水欲何從一夜井泉達靈鯁恐是龍

澆花

花木正憔悴秋陽那更驕驅童綆深井聊助化工澆

賞月

還舍八十日三逢明月圓停盃試一問歸去定何年

采菊

既晚開何益采之聊泛觴書生自頭白奚用泣馨香

覽鏡

可正宜頻覽無塵亦自磨少陵今老矣功業欲如何

浚井

旱久井垂涸汲多泉更渾浚教泥淨盡何患不逢原

酬林明仲寄書并長篇

江頭一別九十日路隔烟波望欲迷風送雁群來雁蕩

書從梅嶼到梅谿，羨君筆力能豪健。贈我詩篇過品題，謝客江山富觀覽。城南河日手重携。

早入世，昌齡欲游白石興盡而止。予亦思前年之游，遂

次其韻

前年蠟屐遠尋幽，洞府曾經一宿留。詩句親題碧雲裏，夢魂時到白岩頭。風生見說欲飛去，興盡何如且罷休。他日相呼老兄弟，飄然杖履共翔游。

洪丞不負軒

坐此軒無媿問君，何以能所行皆是學。不負豈惟丞，鳧鷖文書靜槐松。詩思疑博陵，徒種績踐履亦何曾。

周丞奉挽詩 同年周敏卿父

平生義方教，真是起家嫌。有子願已足，無心官自來。興隨鳩杖逸，情為雁行哀。想見長塘水，淒涼遠夜臺。

黃岩趙十朋賢士也有詩云：四枚豚犬教知書。

二頃良田，終有餘。曾酒三盃，棊一局。客來渾不

問親疎。予亦有東臯二頃，兩子皆學讀書。客至

則奕棊飲酒，遂用趙君詩意成一絕。

薄有田園種斗升，兩兒傳授讀書燈。客來一局三盃酒

至十朋如趙十朋

陳商英挽詞

貴似金張富石崇，紛紜老死利名中。退居不見香山老，肥遁誰知秀野翁。商英字溪上園因種花，闌牀頭金為

好賓空潛然痛念公兄弟二十年前筆硯同

陳商霖挽詞

疇昔游從分不輕十年鄉校讀書燈德星會聚三兄弟
詩社追隨八友朋音在招仙館有八叟去國悲涼老三
粲還鄉牢落失陳登誦君生死炎涼句斜日寒天涕滿
膺商霖嘗有詩云生死交情誰念旧炎涼

萬清之有詩三絕呈司理賈大并簡某因次其

韻

燈花端為故人然留客殷勤為擊鮮更覺門闌增喜氣
冰清玉潤兩俱賢清之司理婚也
世路塵埃逐日生康岩高卧自風清吾皇有詔求遺

逸行見臨雍拜老更

甘言恥効蜜翁翁逆耳空餘剛畝忠願子他年似房杜
好將一語記文中

再用前韻

論文尊酒意歡然蠟炬高烧夜色鮮得壻端同權相國
傳經更似老常賢

右呈司理

僚壻欣逢舊友生人如玉謝氣尤清十年前已心相許
細看新詩貌愈更

右酬清之

士論鄉評重乃翁賢如欲突教兒忠治安策就君宜獻

宣室開時夜正中

右贈大老詞理

未臘而雪豐年兆也大老有詩次韻

明年未黍定千鍾瑞雪挽先舞曉風更願平淮捷書至

西平禽賊獻司空

主人開燕倒金鍾坐客俱吟柳絮風應念人間有貧者

爐星撥尽酒瓶空

雪中寄梅花與清之大老

天花除惱臘前雪香藥報春溪上梅分贈鹿岩龍穴友

異時俱是百花魁

題夢齡五桂堂

我昔曾栽會趣堂子今封植更芬芳勝它福峙三珠樹

賽却東嘉五馬坊詠嘉王五馬坊靖節柳青寧耐久大

夫松老恨無香何如移得蟾宮種不媿靈椿竇十郎

寄鯉魚與萬大年

江楓搖落江梅破江上詩人有佳句欲於龍穴覓明珠

試遣鯉魚傳尺素

梁府君挽詩讎世登人

兩郡三鄉賴保全乃翁劍學不虛傳黃巢詎敢臣周朴

趙勝那能爵魯連仁里化成儒氣象心田種得佛因緣

奇兒自是青雲士行見榮光燭九泉

永嘉盧仲脩永年袖文見訪酬以短句

地僻原名左天寒歲欲徂遙遙屈佳客得得訪潛夫一
第且恩子八篇真起予有論蜚聲衆四傑誰復敢前盧

林明仲和詩復用前韻

婁戰夷吾卒霸齊棘棲鳶鳳暫沉迷探春想見登梅嶼
乘興何訪泛雪溪樓上清歡庾公興橋間壯志馬卿題
四場筆力媒身策平步青雲豈待携

張器先和詩復用前韻

心欲齊賢媿未齊遠蒙佳句警昏迷音如鼓瑟鏗清廟
味似煎茶鬪建溪憂國非同長卿病感時端類少陵題
二松豈是淹賢地鳧鷖文書謾抱携

寄蒲墨與明仲

四友共文房蒲君最異常研磨發文采好去奉仇香

寄沈敦謨名希臯瑞安人

二十年前舊友生緘封遠寄見交情舊游回首多零落
大器如君合晚成

送謝任之

七歲吾後乃祖游童蒙深媿未能求堪嗟四十五年事
昔未累頭今白頭

梅溪闕館子來游回首如今二十秋端似韓張互傳授
要令編刻紹箕裘

去年還家已半年盍簪尊酒數留連歲窮送別溪頭路
手把梅花思黯然

題雙瀑

女媧石爛幾經修天漏猶餘兩派流離合無心元不爭
朝宗得路却相投干雲寶劍真同氣出蕩神龍不異湫
雁蕩龍湫何用築門防俗駕林泉自是少人游雙瀑亭
洪丞論以防俗駕故及一新且

癸未守歲

歲宜鄉里守杯共弟兄銜明日人相問行年五十三

張器先復和詩作五言以寄

短棹別孤嶼故山歸左原遙煩雁足字重到崔羅門歲
月添新老文章憶舊論見詩如見面氣象有餘溫

萬孝全贈金華洞石名雪西遙峯作進退詩又

韻

天關金華一洞奇洞中石是化羊遺渾疑雪向閩山落
更訝峯從天竺飛點上又添乘棹興案頭如照讀書時
故人重我膏肓疾田不荒蕪應亦歸

元宵鄰里携具就藥廬盪燈辭之不獲因成一

絕

凶年猶幸在家鄉鄰里相過具豆觴我輩忍將燈照眼
游人多是火燒腸

祈雨不應

歎歲還鄉益困窮瓶無儲粟酒尊空醉經且學文中子
閃雨難祈應上公

自秋七月不雨至于春二月十九日僅得雨昌
齡作賀詩予未及和而雨止矣遂次韻以閔之
水旱年年費請求仰動湯禱與堯疇何時三十六雨足
當宁免懷雲漢憂

一杯未吸甕頭春

初欲醉飲

三疊聊歌雨裏塵不用

遽興風伯訟洪羊真是可烹

社日喜雨復用前韻

社日喜雨不斷流淵明欣歌事西疇頭言一飽均黎庶
瓶粟無儲不用憂
欲放乾坤萬里春要須先洗吏公塵朝紳賀雨詩多少
誰是詩中諷諫人

家食遇歉有飯不足之憂妻孥相勉以固窮因

錄其語

淵明事高尚瓶中缺儲粟魯公廉名節乞米給饘粥廣
文富才名官冷飯不足少陵老風騷橡栗拾山谷嗟予
何為者處世真碌碌謀生一何拙甌石無儲蓄三年兩
去國囊橐罄水陸還家索租苗不了臘與伏前秋遺颺
風摧折數間屋今年丁大侵破甌塵可掬絕糧瘦百指
告糴走群僕鄉鄰苟不揀定恐填溝瀆家藏千卷書文
子忍飢讀一字不堪煮何以充我腹細君笑謂我子命
難食向去歲官臺省僥倖食君祿有口不三緘月奏知
幾牘聖主倘不容寧免遠竄逐歸來固已幸富貴非爾

福東臯二頃田得雨尚可穀子耕我當耘固窮待秋熟

聞小使胡昉抗虜不屈

上甚嘉之有旨命右揆撫師仍有和不可成

之語皆出 睿斷宗社之福也昌齡有詩次韵

用儒端可復侵疆活国何勞别取方文帝要須親御馬

子卿寧患遠看羊撫師暫屈黃扉老論將寧答白首郎

行見車書混天下豈容南北分三光

昌齡四月十九日得男請名於予命之曰遲

端似中山夢得詩海中仙果子生淨况當首夏清和後

更遇千秋啓建時是日格建祝爾願同彭祖壽命名聃

効小蘇兒蘇門子由子名吾家種德已數世庭戶合

生蘭與芝

山丹花

四月相將莫山丹開始都真心本來赤正色自然朱百

合晚仍俗石榴繁更麗誰將僊竈藥花裏看工夫

梅溪先生後集卷第七

卷之六

合樂乃... 工夫

四月... 自然未百

出... 錄



